



Aasiaat 19.december 2018

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Apeqqutit:

- 1. Innuttaasut ukiumut 250.000 koruunit tikillugu isertitallit pisortanut akiitsui 2017 tikillugu qanoq amerlatigippat?**
 - a. Taakkunanga akiitsut ukiunik tallimanik pisoqaanerusut qanoq amerlatigippat? (2014-imiit tassangalu pisoqaanerusut)**
- 2. Ukiut kingullit tallimat ingerlaneranni akiitsut ukiunik tallimanik pisoqaanerusut qanoq amerlatigut akiliisitsiniartarfimmiit akilersinneqarpat?**
- 3. Akiitsunik akiliisitsiniartarnermut tunngatillugu allaffissornermut ukiumut aningaasartutaasartut qanoq amerlatigippat?**

(Inatsisartuni ilaasortat Peter Olsen, Inuit Ataqatigiit)

Tunngavilersuut:

Naluneqanngitsutut ukiuni kingullerni arlaqalersuni innuttaasut pisortanut akiitsui 800 mio.kr. aamma 1 mia. kr. missaata akornanni amerlassuseqartuarsimapput.

Innuttaasut taama amerlatigisunik pisortanut akiitsoqalersimanagerat ingasappoq, tamannalu akuersaarneqarsinnaangilaq. Aningaasarpasuppuput, suliniutinut pitsaasunut pingaarutilinnullu assigiinngitsorpasuaarnullu atorneqarsinnaagaluartut, taamaattorli aannaasaqaatigiinnartakkavut.

Taamaakkaluartoq ukiuni kingullerni nalunngilarput, misilittakkallu takutippaat akiitsunik ukiunik tallimanik pisoqaanerusunik akiliisitsiniartarneq ajornakusoorluinnaqqissaartoq, immaqalu allaat piffissaajaataannartut oqaatigineqarsinnaalluni.

Paaserusukkiga akiitsut qanoq amerlatiginersut aammalu ukiut tallimat kingullit ingerlaneranni akiitsut qanoq amerlatigut akilersinneqarsimanersut, taakkunangalu akiitsunit ukiunik tallimanik pisoqaanerusut qanoq amerlatigisut akiliisitsiniartartarfimmiit akilersinneqarsimanersut.

Taamatut tunngavilersuuteqarlunga matumuuna apeqquteqaatikka ingerlateqqippakka.

Qinnutigissavara apeqquteqaatima ullut suliffiusut qulit iluanni akineqarumaartut.